

Landesbibliothek Oldenburg

Digitalisierung von Drucken

**Dissertatio Inauguralis Theologica, De Perpetua
Duratione Supplicii Infernalis, ex dicto Joh. III. 39. Qvi non
credit, &c. qvam Adjuvante Deo Trinuno æqve justo ac
misericorde, Consensu Summe ...**

**Krakewitz, Albrecht Joachim von
Gryphiswaldiæ, 1722**

VD18 13279440

Widmung

urn:nbn:de:gbv:45:1-16861

VIRI

Magnifici, Generosi & Amplissimi
Inclytæ STRALSUNDENSIS REIPUBLICÆ

Proceres ac Patres

DNN. CONSILIARIE PROVINC. ET CONSULES

DN. HERMANN. BERNHARD.

à WULFFRATH,

DN. JO. FRID. à ZANDER,

DN. JACOBE BULLI,

Dn. SYNDICE

DN. JOH. FRID. à ZANDER,

DNN. CAMERARI, PRÆTORES
atqve SENATORES Splendidissimi ,

DN. PROT. Not. & SECRET.

Domini mei, Patroni, Fautores, pie submis-
sèque venerandi.



Pomeraniam nostram multos protulisse
Viros varia eruditione conspicuos,
nemo, nisi qui rem literariam plane
ignorat, negabit. Omnes fere Academiæ
& celebriores per Germaniam urbes doctis
Pomeranis superbiverunt. Witteberga, ubi
lux Evangelica, post tenebras Papisticas,
primum morta est, quantum Jo. Bugenhagio
Pomerano debeat, tot in laudem hujus virtutis
habitæ Orationes loquuntur; Svecia, Da-
nia, Brunsviga, Lubeca, Hamburgum,
Sleswicum Hildesia ordinationes suas Ec-
clesiasticas ei magnam partem in acceptum
referunt. Docuit quondam Jenæ D. Jo.
Himmelius, ex Pomerania oriundus & ad-
huc Dn. D. Francisco Buddæo Anclamensi
hæc gaudet academia. Rostochium habuit
D. Franciscū Wolfium Stralsunda Pome-
ranum Concionatorem & Professorem cele-
berrimum, qui postea Hamburgum evocatus
egregie ibi meruit: ex eadem Academia
Demmino-Pomeranum D. Joachimum
Lutke-



Lutkemannum expetivit Gvelferbytum.
Hafnia oratorem facundissimum Jo. Lasse-
nium Pomeraniæ nostræ debet: & qvot Vi-
rosex Pomerana gente doctissimos Gryphica
numerat Academia? Magnum scilicet Bar-
tholdum Krakevitzium Theologum &
gravitate & eruditione & fervore pro veri-
tate religionis vere Magnum, cuius genero-
sus Pro-Nepos Dn. D. Albertus Joachimus
de Krakevitz, Fautor & Promotor meus
longe æstumatisimus, qui Regiæ Acade-
miae & Ecclesiis Pomeraniæ Rugiæque
summa cum laude ut Pro-Cancellarius &
Generalis Superintendens, jam ut Rector
præest: Abrahamum & Bartholomæum
Battos, Balthasarem Rhavium, Augusti-
num Balthasarem, Conradum Tiburtium
Rangonem, Volschovium, Jacob. Hen-
ningium, Colbergios, & alios, ne comme-
morem fctos celeberrimos, Mevios, Engel-
brechtios, Palthenios, Gerdesios. Sic sem-
per Pomerania habuit & adhuc habet viros

in terra



*in terra sua genitos doctissimos. Mirum pro-
inde videtur, quod inter Antistites & Super-
intendentes Sundensium Ecclesiarum uni-
cum tantum Pomeranum B. Dn. D. Jo. Bau-
dewinum urbs nostra in hoc munere viderit.
Ceteri omnes, Jo. Knipstrovius primus post
reformationem Anno 1523. opera Christiani
Ketelhuti Sundæ factam, Superintendens
Stralsundensis, & qui eum excepit Jo. Fre-
derus, & qui post illum longa serie secuti
Alexander Dum, Jacob⁹ Cruse, Salomon
Gesnerus, Conradus Schlusselburgius,
Arnoldus Stappenbekius, Philipp. Henr.
Friedlibius, Georgius Zeemannus, Bal-
thasar Rhaw, Bernhardus Gosmannus &
Lucas Schröderus ex alia terra & regione
in nostram urbem vocati sunt, non certe ob
defectum doctorum Pomeranorum: sed quia
DEUS ita benigne voluit, qui Providen-
tiam & curam circa Ecclesiam suam hoc
modo luculenter manifestat, pro lubitumini-
stros suos in vineas mittens & alterum in
burr,*



bunc, alterum in alium locum ablegans.
Eadem fata divina expertus sum & ego,
quem exterum & indignum Verbi sui inter-
pretem in hac Pomeranorum urbe esse voluit,
qui omnia in Ecclesia sua gubernat, DEUS
O.M. Qvis me ex Holsatia in terram Pome-
ranorum ire jussit? qvis me ex Schola Gry-
phiswaldensi Stralsundum vocavit? qvis
me in hoc fastigium evexit? qvis mihi hoc
gravissimum munus imposuit? certe nihil
dexteritati & meritis meis tribuo, quibus tot
Pomeranorum me longe superant, sed ductu
clementissimi Numinis secutus in hanc ter-
ram, in hanc Urbem, in hoc munus ingressus
sum, DEO Patri meo cœlesti & gubernata-
tori clementissimo omnia haec gratisima-
mente & calamo adscribo. Vos ipsi, Viri
Generosi & Ampliss., Fautores perpetuo
colendi, deuinae voluntatis suistis interpre-
tes, qui me hominem exterum benigne exce-
pistis, indignum fovistis, præter spem & opi-
nionem meam, me in utramque dormientem

(m)



(en testem in cœlis & utramque conscientiam) promovi-
stis, & variis multisque in hunc usque diem cumu-
lastis beneficiis. Et cum horum beneficiorum publicum
testimonium extare volui, in animi grati monumentum
hanc Dissertationem meam Inauguralem, quam, inter
concatenatos gravissimi mei officii labores, festinante
calamo in chartam conjeci, Vestris Magnis Nominibus
dicare, dedicare, consecrare meum esse duxi, simul inspi-
cum meum veritatis divinae amorem & odium nova-
rum opinionum Ecclesiam misere hoc tempore turban-
zium & coram Uobis publice testificaturus. Nulla
desistam tempore pro Vesta Vestrarumque optimarum
familiarum perenni salute pia nuncupare vota & qvi-
buscunq; potero à DEO concessis viribus Vestram
benevolentiam demerers, qvi

VIRI Magnifici, Generosi, Amplissimi

Vester ad aras deoius eulor

GREGORIUS LANGEMAK,
S. S. Theol. Ddus, Superint.



Conspēctus totius Dissertationis.

§. I.

Aternitas supplicii infernalis à multis negata: Sociniani in annihilatione constituunt. Anabaptistarum Stanislai Pannonii, Jo. Denk errores. Judæorum fabula. Origenis dogma. Fratres misericordes: Franc. Georgius. Cœlius Secundus Curio. Postellus. Robbert Roberts de Canu. Jo. Appelius. Jo. Angellus Werdenhagen, Petrus Serarius, Jo. Pordage. Jo. Leade. Henr. Horch. Th. Burnet. Petrus Poiret, Sam. Zink, Franc. Merc. de Helmont, Th. Hobbes, *in primis* J. W. Petersenius, notantur.

§. II. Commune Semper fuit dogma Ecclesiæ Christianæ eternam fore damnationem, nec Justinus Martyr, nec Irenæus errore hoc fuere imbuti nec Græca Ecclesia Origeni assensum prebuit: omni tempore Ecclesia huic errori se opposuit: Synodus Oecum. V. Aug. Confessio. Edictum Regis Boruss. Senatus Noriberg. salus damnatorum ut novum dogma omnino suspectum est.

§. III. Laudandi sunt, qui se huic errori opposuere Augustinus, Hieronymus, Andr. Musculus, Justus Menius, Bulingerus, Wigandus, Gerhardus, Calovius, Ittingius, Grapius, Nitschius, Engelschall / Koch, Clasenius, Autores u. N. Fischlinus, Jægerus.

§. IV. Veritas ex sola revelatione petenda: nee secundum faciliorem captum est judicandum.

§. V. Ex variis dictis aeternitatem supplicii Infernalis probantibus unicum eligitur ex Joh. III. 36.

§. VI. Dictum de pœna damni & pœna sensus agit.

§. VII. Subjectum enunciationis consideratur. Non credens filio. Filius est verus filius DEI, non creatura, ut Ariani, nec factus DEUS, ut Sociniani somniant: & quidem incarnatus, non cœlesti corpore, nec angelicam naturam assumit. *Dictum Ebr. II. contra Petersenium vindicatur*

